

四庫全書

子部

欽定四庫全書

子部

證類本草卷十五至十八

詳校官太醫院吏目臣周世泰

編修臣倉聖脈覆勳

總校官編修臣王燕緒

校對官待詔臣胡士震

謄錄監生臣趙廷璋

繪圖監生臣李鈞

欽定四庫全書

證類本草卷十五

宋 唐慎微 撰

人部總二十五種

一種神農本經白字

四種名醫別錄墨字

一種今附醫家常見有效注云今附

八種新分條

一種唐慎微續補

墨蓋子下是

一十種陳藏器餘

凡墨蓋子已下並唐慎微續證類

髮髮

亂髮

人乳汁

頭垢

人牙齒

齒逆續注元附天靈蓋條下今分條

耳塞

元附天靈蓋條下今分條

人屎

東向廁圓溺坑中青泥附

人溺

溺白逆

婦人月水

浣禪汁

人精

懷妊婦人爪甲已上六種並元附  
人尿條下今分條

天靈蓋附今人髭

一十種陳藏器餘

人血 人肉 人胞

婦人禪襠 人膽 男子陰毛

死人枕 夫衣帶 衣中故絮

新生小兒臍中尿

髮髮音被味苦温小寒無毒主五癢關格不通利小便水

道療小兒癩大人瘕仍自還神化合雞子黃煎之消為

水療小兒驚熱

陶隱居云李云是童男髮神化之事未見別方今俗中姬母為小兒作雞子煎

用髮雜熬良久得汁與兒服去疫熱療百病而用髮皆取其父梳頭亂者爾不知此髮髮審是何物且髮字書記所無或作蒜音人令呼班髮為蒜髮書家亦呼亂髮為髮恐髮即舜音也童男之理未或全明唐本注云此髮髮根也年久者用之神効即髮字誤矣既有亂髮及頭垢則闕髮明矣又頭垢功劣於髮髮猶去病用陳久者梳及船茹敗夫翁蒲席皆此例甄立言作懸音懸亦髮也字書無髮字但有髮髮髮髮美貌作丘音有聲無質則髮為真者也臣禹錫等謹按蜀本云本經云仍自還神化李云神化之事未見別方按異苑云人髮變為

鱗魚神化之異應此者也日華子云髮溫止血悶血暈金瘡傷風血痢入藥燒灰勿令絕過煎膏長肉消瘀血

也

### 陳藏器云

生人髮掛葉樹上烏鳥不敢來食其實又人逃走取其髮於緯車上却轉之則迷亂

不知所  
通矣

### 雷公云

凡使之是男子年可二十已來無疾患顏貌紅白於頂心剪下者髮是凡於丸散膏中先用若

參水浸二宿瀝出入瓶子以  
火服之令通赤放冷研用

### 肘後方

治石淋燒灰  
水服之良

### 傷寒類要

治黃取燒灰水  
服一寸七日三

### 行義曰

髮髮與亂髮自是兩等髮髮味苦即陳舊經年  
戒者如橘皮皆搗也而取其陳者狼毒麻黃吳

茱萸半夏枳實之類皆須陳者謂之六陳入藥更良敗  
 蒲亦然此用髮之義耳令人又謂之頭髮其亂髮條中  
 自無用髮之義此二義甚明亦不必如此過為搜索右  
 以亂髮如雞子大無油器中熬焦黑就研為末以好酒  
 一盞沃之何首烏末二錢同勻攪候溫噉之下  
 咽過一二刻再噉治破傷風及沐髮中風極效

亂髮微溫主欬嗽五淋大小便不通小兒驚癇止血鼻

芎藭之吹內立已

陶隱居云此常人頭髮爾與髮發瘡體相似唐本注云亂髮灰瘰轉胞小

便不通赤白痢噎噎鼻衄癰腫狐尿刺尸疰丁腫脊疝雜瘡古方用之也臣禹錫等謹按藥性論云亂髮使味苦能消瘀血闕格不通利水道

外臺秘要

治煙亂煩燥燒亂髮如雞子大鹽湯三升和服之下止再服



千金方

小兒驚啼燒亂  
髮灰酒調服之

又方

治無故遺血亂髮及爪  
甲燒灰酒服方寸匕

肘後方

治黃疸燒亂髮灰水調  
服一錢匕日三服祕方

又方

女勞疸身目皆黃發熱惡寒小腹滿急小便難內  
大熱大勞交搏後入水所致亂髮如雞子大猪脂

半斤煎合  
盡分二服

經驗方

孫真人催胎衣不下亂  
髮頭髮結捺喉口中

又方

孩子熱瘡亂髮一團裂許大雞子黃萎熟二物相  
和於銚子內炭火上熬初甚乾少頃髮燥遂有液

出旋取置一瓷盞中以液盡為度取此液傳熱瘡上即  
以苦參粉粉之予在朗州生子在蓐中便有熱瘡出於

屬腿間初以他藥傅無益加劇蔓延半身狀候至重盡  
夜啼號不乳不睡予閱本草見髮髮云合難子黃煎之  
消為水治小兒驚癇熱注云令俗中媪母為小兒作雞  
子煎用髮雜熬良久得汁令小兒服去癆熱治百病凡  
用髮皆取梳頭亂者又檢雞子云治火  
瘡因而用之果驗已後用之無不差矣

### 梅師方

治鼻中出血眩冒欲死燒亂髮細  
研水服方寸匕須臾更吹鼻中

### 斗門方

治汁血用頭髮灰一  
字吹入鼻中即止

### 簡要濟衆

治小兒重舌欲死以亂髮灰細  
研以半錢傅舌下日不住用之

### 姚氏

治食中誤吞髮繞喉不出取已  
頭亂髮燒作灰服一錢匕水調

### 又方

治大小便不通燒亂髮末三指  
撮投半升水中一服孫真人同

子母秘錄

治尸疰燒亂髮如雞子大為末水服之差

又方

治小兒驚口兩角生瘡燒亂髮和猪脂塗之

又方

治小兒斑瘡豌豆瘡髮灰飲汁服三錢匕

產書

治大小便秘血灰研如粉飲下方寸匕

服氣精義方

劉君安曰欲髮不脫梳頭兩千過

蘇學士云

亂髮露蜂房蛇蛻皮各燒灰每味取一錢匕酒調服治瘡口久不合神驗燒灰須畧存性

老唐云

取自己亂頭髮洗淨乾每一兩入椒五十粒泥封固入爐大火一煨如黑糟細研酒服一錢匕

鬚髮

長黑

衍義

文具髮  
髮條下

人乳汁主補五藏令人肥白悅澤

陶隱居云張倉常服  
人乳故年百歲餘肥

白如瓠唐本注云別錄云首生男乳療目赤痛多淚解  
獨肝牛肉毒令鼓濃汁服之神效又取和雀屎去目赤  
努肉臣禹錫等謹按蜀本云人乳味甘平無毒日華子  
云人乳冷益氣治瘦悴悅皮膚潤毛髮黑眼止淚并療  
赤目使之  
明潤也

聖惠方

治卒中風不語舌根強硬陳醬五合三年者  
妙人乳汁五合二件相和研以生布故取汁

不計時候少火  
與服良久當語

千金方

治月經不通飲  
人乳汁三合

金匱方

嗽蛇牛肉散人何以知之嗽蛇者毛髮向後  
順者是也食之欲死飲人乳汁一升立愈

衍義曰

人乳汁治日之功多何也人心生血肝藏血肝  
受血則能視蓋水入於經則其血乃成又曰上

則為乳汁下則為月水故知乳汁則血也用以點眼豈  
有不相宜者血為陰故其性冷蕞寒人如乳餅酪之類

不可多食雖曰牛羊乳然亦不出乎陰陽造化爾西戎  
更以馳馬乳為酥酪老人患口瘡不能食飲人熱乳良

頭垢主淋閉不通

陶隱居云術云頭垢浮針以肥膩故  
爾今當用悅澤人者其垢可丸又主

噎亦療勞傷臣禹錫等謹按藥性論云頭垢治噎酸漿  
水煎膏用之立愈日華子云溫治中蠱毒及蕈毒米飲

或酒化下並  
得以吐為度

外臺秘要

傷寒病欲令不勞復頭垢燒  
水丸如梧桐子大飲服一丸

千金方

治百邪鬼魅水服頭垢一小豆大故臧頭  
中無毒天行勞復渴浸取汁煖服一升

又方

主食自死鳥獸肝中毒取故頭中垢一錢已熱湯  
中煖服之三年頭帶主卒心痛沸湯取汁飲以頭

帶於閑處捉覆之同時  
開愈頭帶即縛髻帶也

肘後方

大咬人重發瘡以頭垢火  
許內瘡中以熱牛屎傳之

葛稚川

胎鬚膏以  
頭垢傳之

梅師方

治馬肝殺人取頭  
垢一分熟水調下

錢相公篋中方

治蜈蚣咬人以頭垢臧  
和苦參末酒調傳之

劉涓子

治竹木刺有肉中不  
出以頭垢塗之即出

傷寒類要

傷寒天行病後勞復含頭垢如棗核大一丸

服氣精義云

劉君安燒已髮合頭垢等分合服如大豆許三九名曰還精令頭不白

人牙齒平除勞治瘡毒氣入藥燒用

齒塗溫和黑蝨研塗出箭頭并

惡刺破

癰腫

葛稚川

治乳癰取人牙齒燒灰細研酥調貼癰上

李世勣

治箭頭不出及惡刺以齒塗和黑蝨研塗之

耳塞溫治顛狂鬼神及嗜酒又名腦膏泥丸脂

已上二種新分

條見日

華子

已上可也

證類本草

七

人尿寒主療時行大熱狂走解諸毒宜用絕乾者搗末沸湯沃服之

東向圖

音青

廁溺坑中青泥療喉痺消癰腫若已有膿即

潰

陶隱居云交廣徂黯人用焦銅為箭鏃射人纔傷皮便死惟飲糞汁即差而射猪狗不死以其食糞故也

時行大熱飲糞汁亦愈今近城寺別塞空罨口內糞倉中積年得汁甚黑而苦名為黃龍湯療溫病垂死皆差唐本注云人屎主諸毒卒惡熱黃悶欲死者新者最效酒與水和服之其乾者燒之壺絕水漬飲汁名破棺湯主楊寒熱毒水漬飲彌善破丁腫開以新者封之一日採爛臣禹錫等謹按日華子云糞清冷臘月截淡竹去青皮浸滲取汁治天行熱狂熱疾中毒并惡瘡毒取汁服浸皂莢甘惡治天行熱疾



外臺秘要

治小兒陰瘡  
燒灰傳之差

又方

治骨蒸熱非其人莫浪傳取屎乾者燒令外黑內  
水中澄清每旦服一小升薄晚小便服一小升以

差為度既常服新作大坑燒三升夜以水  
三升清之稍稍減服小便用童子者佳

千金方

治產後陰下脫人屎炒令  
赤以酒服方寸匕日三

又方

治山中樹木菌  
毒以糞汁服之

又方

治蛇咬以屎厚傅  
上後帛裹之即消

又方

治人癲狂不識人  
燒屎灰以酒服之

又方

治鬼舐頭取兒糞  
臘月猪脂和傅

肘後方

治發背欲死燒屎作灰醋和如泥傅腫處乾即易良

斗門方

治熱病及時疾心躁狂亂奔走狀似癲癘言語不定人不得汗及時疾不知人事者以人中黃

不限多少入大錐內以泥固濟大火煨半日去火俟冷取出於地上以盆蓋之又半日許細研如麪新汲水調

下三錢或未

退再作差

姚氏方

毒箭有三種交廣夷州用燠銅作箭鏃嶺北諸處以蛇毒螫物汁著筒中漬箭鏃此二種纔傷

皮便洪膿沸爛而死若中之便飲屎汁并以傅之亦可療惟此最妙又一種用射筒以塗箭鏃人中之亦困若

著實處不死近腹亦宜急療今葛氏方是筒射者耳

又方

食醬肉漏脯此並有毒燒屎灰酒服方寸已

傷寒類要

治天行病六七日熱盛心煩狂見鬼者絞人尿汁飲數合

又方

治温病勞復及食勞燒屎灰酒服方寸匕

博物志

楓樹上生菌人食即令人笑不止飲土漿屎汁愈

衍義曰

人屎用乾陳者為味於陰地淨黄土中作五大寸小坑將末二兩匙於坑中以新汲水調勻良

久俟澄清與時行大熱狂渴須水人飲之愈令世俗謂之地清然飲之勿極意恐過多耳又治一切癰癰熱毒腫膿血未潰疼痛不任用乾未麝香各半錢同研細抄一豆大津唾貼瘡心醋麩錢子貼定膿潰出去藥

人溺療寒熱頭疼温氣童男者尤良

陶隱居云若人初得頭痛直飲人尿

數升亦多愈合葱豉作湯彌佳唐本注云屎主卒血攻心袂打內有瘀血煎服之一服一升又主癥積滿腹諸

諸藥不差者服之皆下血片塊二十日即出也亦主火嗽上氣失聲尿坑中竹木主小兒齒不生正旦刮塗之即生日華子云小便涼止勞渴嗽潤心肺療血悶熱狂撲損瘀血運絕及困乏指洒皮膚治戰裂能潤澤人蛇犬等咬以熱尿淋患處難產及胞衣不下即取一升用薑蔥各一分煎三兩沸乘熱飲便下吐血鼻洪和生薑一分絞汁并壯健丈夫小便一升乘熱頓飲差令按陳藏器本草云溺寒主明目益聾潤飢膚利大腸推陳致新去欬嗽肺痿鬼氣瘕病彌久停臭者佳恐冷當以熱物和溫服久臭溺浸蜘蛛交於夫甕中坐浸仍取烏雞屎炒浸酒服不爾恐毒入口中涎及啞取平明未語者塗癰疥良

楊氏產乳

療傷胎血結心腹痛取童子小便日服三升差

衍義曰

人溺須童子者產後溫一盃飲壓下敗血惡物有飲過七日者過多恐久遠血藏寒令人發帶

病人亦不覺氣血虛無熱者尤不宜  
多服此亦性寒故治熱勞方中亦用

溺白塗

魚新切

療鼻衄湯火灼瘡

唐本注云溺白塗燒研末主賢腎瘡臣禹錫等

謹按日華子云人中白涼治傳尸熱勞肺痿  
心隔熱鼻洪吐血羸瘦渴疾是積尿塗入藥

經驗方

治血汗鼻衄五七日不住立效以人中白不  
限多少刮在新瓦上用火逼乾研入麝香少

許用  
酒下

又方

秋石還元丹大補暖悅色進食益下元久服去百  
疾強骨髓補精血開心益志煉人中白方男子小

便十石更多不妨先置大鍋竈一副於空室內鍋上用  
深瓦甑接鍋口令高用紙筋杵石灰泥却甑縫并鍋口  
勿令通風候乾下小便只可於鍋中及七八分已來竈  
下用焰火煑專令人看之若涌出即添冷小便柴小勿

令涌出候乾細研入好合子內如法固濟入炭爐中煨  
之旋取三二兩再研如粉煑棗瓢為丸如棗豆大每服  
六七八漸至十五九空心溫酒鹽湯下久服臍下常如  
火暖諸般冷疾皆愈久年冷勞虛憊甚者服之皆壯感  
其藥未常近火收或時復

養火三五日功效大也

婦人月水解毒箭并女勞復

新補見陶隱居

陳藏器云

經衣主驚瘡血涌出取衣熱炙熨之又燒末傅虎狼傷瘡燒末酒服方寸匕日三主

箭鏃  
入腹

梅師方

治丈夫熱病差後交接復發忽卵縮入腸腸中絞痛欲死燒女人月經赤衣為灰熟水調方寸

服匕

又方

治剝馬被骨刺破毒欲死以月水傅瘡口立效

孫真人

治霍亂因馬取童女月經衣和血燒灰和酒服方寸匕

又方

治聚血無箭鏃在胃喉燒婦人月經衣酒服

又方

治馬血入瘡中以婦人月經血塗之

扁鵲云

治陰陽易傷寒燒婦人月經衣熱水服方寸匕

博物志

交州夷人以焦銅為鏃毒藥於鏃鋒上中人即沸爛須臾骨壞以月水屎汁解之

浣禪

音昆

汁解毒箭并女勞復亦善扶南國舊有奇術能

令斫不入惟以月水塗刀便死此是汚穢壞神氣也

人合藥所以忌觸之此既一種物故從尿溺之例新補見陶

居隱

人精和鷹屎亦滅癩新補見陶隱居

千金方

去面上廕人精和鷹屎白傳之一日愈白密亦符

肘後方

治瘤人精一合半合亦得青竹筒盛火上燒炮之以器承取汁密置器中數傳瘤上良

又方

治湯火灼令不通又速愈瑕痕以人精和鷹屎日日傳上痕自落

孫真人

治金瘡血出不止以精塗之

懷妊婦人爪甲取細末置目中去翳障

新補見陳藏器臣禹錫等謹按



日華子云手

爪甲平催生

葛稚川

治忍小便胞轉自  
取瓜甲燒灰水服

又方

治婦人淋自取瓜甲  
燒灰水服亦治尿血

行義曰

人指甲治鼻衄細細刮取俟血稍定去淤血於  
所衄鼻中搗之立愈獨不可備則衆人取之甚

善衄藥并法最多或效或不效  
故須博採以備道途田野中州

天靈蓋味鹹平無毒主傳尸尸疰鬼氣伏連久瘡勞瘡

寒熱無時者此死人頂骨十字解者燒令黑細研白飲

和服亦合諸藥為散用之方家婉其名爾

今附臣禹錫  
等謹按日華

子云天靈蓋治肺痿乏力羸瘦  
骨蒸勞及盜汗等入藥酥炙用

### 陳藏器云

彌腐爛者入用有一片如三指闊此骨是  
天生天賜蓋押一身之骨未合即未有只

有顛門取得後用燂灰火卷一夜待腥穢氣出盡却用  
童兒溺於甕鍋子中煮一伏時滿漉出於屋下掘一坑  
可深一尺置天靈蓋於中一伏時其

藥魂歸神妙陽人使陰陰人使陽

### 外臺秘要

治犬咬衆治不差毒攻人煩亂喚已作犬  
聲者燒灰為末以水服方寸匕可立止

### 梅師方

諸犬咬瘡不差吐白沫者為毒入心叫喚似  
犬聲以獨縣骨燒灰研以東流水調方寸匕

### 別說云

謹按天靈蓋神農本草經人部惟髮髮一物外餘  
皆出後世醫家或禁術之流奇怪之論殊非仁

人之用心世稱探思遠有大功於世以殺命治命尚有  
陰責况於是也近數見醫家用以治傳尸病未有一効

者信本經不用未為害也殘忍傷神又不急於取効苟有可易仁者宜盡心焉苟不以是說為然決為庸人之所惑亂設云非此不可是不得已則宜以年深塵泥所漬朽者為良以其絕屍氣也

人髭唐李勣嘗疾醫訖之云得鬚灰服之方止太宗遂自剪刀髭燒灰賜服之復令傳癰瘡立愈故白樂天云剪鬚燒藥賜功臣

仁宗皇帝賜呂夷簡古人有語髭可治疾今朕剪髭與之合藥表朕意

一十種陳藏器餘

人血主羸病人皮肉乾枯身上麤片起又狂犬咬寒熱欲發者並刺熱血飲之

人肉治療疾

人胞主血氣羸瘦婦人勞損面黧皮黑腹內諸病漸瘦

悴者以五味和之如鮓餅

音甲餅也

法與食之勿令知婦人

胞衣變成水味辛無毒主小兒丹毒諸熱毒發寒熱不

歇狂言妄語頭上無辜髮立虛痞等此人產後時衣埋

地下七八年化為水清澄如真水南方人以甘草升麻

和諸藥罐盛埋之三五年後撥去取為藥主天行熱病  
立效

梅師方

治草蠱其狀入咽喉痛欲死者取胞衣一具  
切曝乾為末熱水調一錢匕最療蛇蠱蟻垆

草毒  
等

婦人視襠主陰易病當陰上割取燒灰服方寸匕童女  
視益佳若女患陰易即須男子視也陰易病者人患時  
行病起後合陰陽便即相著甚於本病其候小便赤澁  
寒熱甚者是服此便通利不爾灸陰二七壯又婦人視

主胞衣不出覆井口立下取本婦人者即佳

人膽主鬼氣尸疰伏連

男子陰毛在蛇咬口含二十條燉其汁蛇毒不入腹內  
死人枕及蓆患疔拭之二七遍令爛去疔嘗有媪人患  
滯冷積年不差徐嗣伯為詎曰此尸疰也當以死人枕  
煮服之乃愈於是往古塚中取枕枕已一邊腐缺媪服  
之即差張景年十五歲患腹脹面黃衆藥不能治以問  
徐嗣伯嗣伯曰此石虻耳極難療當取死人枕煮服之

得大虺虫頭堅如石者五六升病即差沈僧翼患眼痛  
又多見鬼物嗣伯曰邪氣入肝可覓死人枕煮服之竟  
可埋枕於故處如其言又愈王晏問曰三病不同皆用  
死人枕而俱差何也答曰尸疰者鬼氣也伏而未起故  
令人沉滯得死人枕治之魂氣飛越不復附體故尸疰  
自差石虺者醫療既癘虺虫轉堅世間藥不能遣所以  
須鬼物馳之然後乃散故令煮死人枕服夫邪氣入肝  
故使眼痛而見魍魎須邪物以鉤之故用死人枕之氣

因不去之故令埋於塚間也

夫衣帶主難產臨時取五寸燒為末酒下襁帶最佳

孫真人

治金瘡未愈而交接血出不止取與交婦人衣帶二寸燒研末水服之

衣中故綿絮主卒下血及驚瘡出血不止取一握煮汁  
溫服之新綿一兩燒為黑末酒下主五野雞病

新生小兒臍中尿主惡瘡食瘕肉除面印字盡候初生  
取胎中尿也初生臍主瘡燒為灰飲下之

證類本草卷十五



欽定四庫全書

證類本草卷十六

宋 唐慎微 撰

獸部上品總二十種

六種神農本經

白字

四種名醫別錄

墨字

三種唐本先附

注云唐附

一種今附

醫家嘗用有効注云今附

一種新補

五種陳藏器餘

凡墨蓋子已下並唐慎微續證類

龍骨

白龍骨齒角吉第然稍花等附

麝香

牛黃

熊脂

附膽

象牙

齒睛等附今附象膽續注

白膠

阿膠

羊乳

牛乳

酥

酪

附唐

醍醐

附唐

馬乳

乳腐

新補

底野迦

唐附

五種陳藏器餘

蔡苴机

猪朽骨


烏檀

海獺

土撥鼠

--	--	--	--	--	--	--	--

龍骨



龍骨味甘平微寒無毒主心腹鬼疰精物老魅欬逆洩痢膿血女子漏下癥瘕堅結小兒熱氣驚癇療心腹煩滿四肢痿枯汗出夜卧自驚恚怒伏氣在心下不得喘息腸癰內疽陰蝕止汗縮小便溺血養精神定魂魄安

五藏

白龍骨療夢寐洩精小便洩精

臣禹錫等謹按洩精通用藥云白龍骨平微寒

齒主小兒大人驚癇癩疾狂走心下結氣不能喘息諸瘕殺精物小兒五驚十二癇身熱不可近大人骨間寒

熱又殺蠱毒

得人參牛黃良畏石膏臣禹錫等謹按驚邪通用藥及藥對云龍齒平

角主驚癇瘕

天電切

瘕

子用切

身熱如火腹中堅及熱洩久

腹輕身通神明延年生晉地川谷及太山巖水岸土穴

中死龍處採魚時

畏乾漆蜀椒理石陶隱居云令多出梁益間巴中亦有骨欲得脊腦作白

地錦文紙之著舌者良齒小強猶有齒形角強而實又有龍腦肥軟亦斷痢云皆是龍蛻非實死也此來巴中數得龍胞吾自親見形體具存云瘵產後餘疾正當未服之唐本注云龍骨令並出晉地生硬者不好五色具者良其青黃赤白黑亦應隨色與臍藏相會如五芝五石英五石脂等輩而本經不論莫知所以臣禹錫等謹按藥對云龍角平吳氏云龍骨色青白者善又云齒神農季氏大寒藥性論云龍骨君忌魚有小毒逐邪氣安

心神止冷痢及下膿血女子崩中帶下止夢泄精夜夢  
鬼交治尿血虛而多夢紛紜加而用之又云龍齒君鎮  
心安魂魄齒角俱主小兒大熱日華子云龍骨健脾胃  
賜胃止瀉痢渴疾懷孕漏胎腸風下血崩中帶下莫洪  
吐血止汗又云龍齒澀涼

治煩悶癩癩熱狂辟鬼魅

### 圖經曰

龍骨并齒角出晉地川谷及泰山巖水岸土穴  
中死龍處今河東州郡多有之或云是龍蛻實

非死骨得脊腦作白地錦文舐之著舌者良齒小強猶  
有齒形角強而實採無時李肇國史補云春水時至魚  
登龍門蛻其骨甚多人採以為藥而有五色者本經云  
出晉地龍門又是晉地豈今所謂龍骨者乃此魚之骨  
乎或云骨有雄雌細文而廣者是雌窳文而狹者是雄  
凡入藥五色具者尤佳黃白色者次黑色者下皆不得  
經落不淨處則不堪用骨齒醫家常用角亦稀使惟深  
師五邪凡用龍角又云魚角用齒千金方治心有燕用



龍齒龍角者韋丹療心熱風痼取爛龍角濃研取汁食  
上服二大合日再然則龍角有爛者此物大抵世所稀  
有孫光憲北夢瑣言云石晉時鎮州接邢臺界嘗鬪殺  
一龍鄉豪有曹寬者見之取其雙角角前有一物如藍  
色文如亂錦人莫之識曹寬未經年為寇所殺鎮帥俄  
亦被誅又云海上人言龍每生二卵一為吉吊多與鹿  
游或於水邊遺溼值流槎則粘著木枝如蒲撻狀其色  
微青黃復似灰色號紫稍花坐湯多用之延齡至實方  
治聾無問年月者取吉吊脂每日點半杏仁許入耳中  
便差云此物福建州甚為難得其脂須琉璃瓶子盛更  
以樟木合重貯之不爾則透氣失之矣又篋中方女經  
積年不通必治之用龍胎瓦松景天三物各少許都以  
水兩盞煎取一盞去滓分溫二服少頃腹中轉動便下  
龍胎古方不見用若人亦鮮識本方注云此物出蜀  
中山間大類乾魚鱗投藥煎時甚腥臊方家稀所聞見  
雖並非要藥然昔人曾用世當有識者因附於此以示

廣記

雷公云

剌州生者倉州太原者上其骨細文廣者是雌骨麤文狹者是雄骨五色者上白色者中黑色

者次黃色者稍得經落不淨之處不用婦人採得者不用夫使先以香草煎湯浴過兩度擣研如粉用絹袋子盛粉末了以鶩子一隻擘破腹去腸安骨末袋於鶩腹內懸於井面上一宿至明去鶩子并袋子取骨粉重研萬下其効神妙但是丈夫腹空心益腎藥中安置圖龍骨氣入腎藏中也

聖惠方

治小兒臍瘡久不差用龍骨燒灰細研傳之

外臺秘要

療傷寒已八九日至十餘日太煩渴熱盛而三焦有瘡壅者多下或張口吐舌呵呬目爛

口鼻生瘡吟語不識人除熱毒止痢龍骨半斤碎以水一斗煮取四升沉之井底令冷服五合漸漸進之志意

飲尤宜  
者少

千金方

婦人無故尿血龍骨一兩  
以酒調方寸匕空心日三

又方

治好志久服聰明益智龍骨遠志等分  
右三味為末食後酒服方寸匕日三服

肘後方

治熱病不解而下痢欲死龍骨半斤搗研  
水一斗煮取五升候極冷稍飲得汗即愈

又方

治老瘧末龍骨方寸匕先發一時酒一升  
半煮取三沸及熱盡服溫覆取汗即効

又方

若久下痢經時不止者此成休息龍骨四兩如小  
豆大碎以水五升煮取二升半令冷分為五服

又以米飲扣  
丸服十九

經驗方

暖精氣益元陽白龍骨遠志等分為末煉蜜  
為丸如桐子大空心卧時冷水下三十丸

梅師方

治失精暫眩即泄白龍骨四分韭子五合右件為散子空心酒調方寸匕服

又方

治熱病後下痢膿血不止不能食白龍骨末米飲調方寸匕服

又方

治鼻衄出血多敗胃欲死龍骨研細吹入鼻取虫凡衄者並吹

廣利方

治鼻中衄血及咯吐血不止五色龍骨作末吹入紅豆許於鼻中立止

又方

治心熱風癩爛龍角濃煎汁食上服一合日再服

姚和衆

治小兒因痢脫肛白龍骨粉撲之

姚氏方

治小便便出血末龍骨二方寸匕水調溫服之日二服差

楊文公談苑

澤州山中多龍骨蓋龍蛻於土中崖崩多得之體骨頭角皆全

行義曰

龍骨諸家之說紛然不一既不能指定俱是臆

度西京穎陽縣民家忽崖壞得龍骨一副皮體

頭角悉具不知其蛻也其斃也若謂蛻斃則是有形之物而又生不可得見死方可見謂其化也則其形獨不能化然西

域記中



文州麝香



麝香味辛溫無毒主辟惡氣殺鬼精物溫瘧蠱毒癩瘡  
去三蟲療諸凶邪鬼氣中惡心腹暴痛脹急痞滿風毒  
婦人產難墮胎去面黧音目中膚翳久服除邪不夢寤

麝寐通神仙生中臺川谷及益州雍州山中春分取之

生者益良

陶隱居云麝形似麀常食栢葉又噉蛇五月  
得香往往有蛇皮骨故麝香療蛇毒今以蛇

蛻皮裏麝香彌香則是相使也其香正在麝陰莖前皮  
內別有膜裏之令出隨邱義陽晉熙諸蠻中者亞之出  
益州者形扁仍以皮膜裹之一子真香分拈汝救切作  
三四子刮取血膜雜以餘物大都亦有精麝破看一片  
毛共在裏中者為勝彼人以為誌若於諸羌夷中得者  
多真好燒當門沸良久即好今惟得活者自看取之必



當全真爾生香人云是精溺凝作之殊不爾麝夏日食  
蛇蟲多至寒香滿人春患急痛自以脚剔音揚出之著  
屎溺中覆之皆有常處人有過得乃至一斗五升也用  
此香乃勝殺取者帶麝非但香亦辟惡以真者一子置  
頸間執之辟惡夢及尸疰鬼氣臣禹錫等謹按抱朴子  
云辟蛇法入山以麝香丸著足爪中皆有効又麝香及  
野豬皆咬蛇故以屎之藥性論云麝香以禁食大蒜味  
苦辛除百邪魅鬼疰心痛小兒驚癇客忤鎮心安神以  
當門子一粒丹砂相似細研熟水灌下止小便利能蝕  
一切癰瘡膿入十香丸令入百毛九竅皆香療鬼疰腹  
痛段成式酉陽雜俎云水麝臍中惟水瘞一滴於斗水  
中用麗衣至取其香不歇每取以針刺之捻以真雄黃  
則合香氣倍於肉麝天寶初虞人獲詔養之日華子云  
辟邪氣殺鬼毒蟲氣瘧疾催生墮胎殺藏府蟲制蛇蠱  
咬沙蟲溪瘴毒吐風瘰內  
子宮暖水藏止冷帶疾

圖經曰

麝香出中壘山谷及益州雍州山中今陝西益利河東諸路山中皆有之而秦州文州諸蠻中

尤多形似麝而小其香正在陰前皮內別有膜裏之春分取之生者益良此物極難得真蠻人採以一子香刮取皮膜雜內餘物裹以四足膝皮共作五子而土人買得又復分糝一為二三其偽可知惟生得之乃當全真耳蘄光山中或時亦有然其香絕小一子纔若彈丸往往是真香蓋彼人不甚能作偽耳一說香有三種第一生香麝子夏食蛇蟲多至寒則香滿入春急痛目以爪剔出之落處遠近草木皆焦黃此極難得令人帶真香過因中瓜果皆不實此其驗也其次臍香乃捕得殺取者又其次心結香麝被大獸捕逐驚畏失心狂走巔墜崖谷而斃人有得之破心見血流出作塊者是也此香乾燥不可用又有一種水麝其香更奇好臍中皆水瀝一滴於斗水中用漼衣其衣至斃而香不歇唐天寶初虞人常獲一水麝詔養於園中每取以針刺其臍捻以

真雄黃則其創復合其香氣倍於肉麝  
近歲不復聞有之爾雅謂麝為麝父

雷公云

凡使多有偽者不如不用其香有三等一者名

遺香是麝子臍閉滿其麝自於石上用蹄尖彈  
臍落處一里草木不生並焦黃人若收得此香價與明  
珠同也二名昧香採得甚堪用三名心結香被大獸驚  
心破了因茲狂走雜諸羣中遂亂投水被人收得擘破  
見心流在脾上結作一人乾血塊可隔山澗早聞之香  
是香中之次也凡使麝香並用子  
日開之不用若細研篩用之也

食療

作末服之辟諸毒熱然蛇毒除驚怖恍惚蠻人常  
食似麝肉而腥氣蠻人云食之不畏蛇毒故也臍

中有香除百病治一切惡  
氣症病研了以水服之

經驗後方

治瘡麝香少許研墨  
書額上去邪辟魔

又方

治鼠咬人麝香封  
上用帛子繫之

廣利方

治中惡客忤垂死麝香一錢  
重研和醋二合服之即差

又方

治小兒客忤須強殺死麝香  
少許細研乳汁調壺口中

又方

治蠶咬人麝香細  
研蜜調塗之差

又方

治小兒驚啼發歇不定用真好麝香研細  
每服清水調下一字日二服量兒大小服

續十全方

令易產麝香一錢  
研水調之服立差

楊氏產乳

療中水氣已服藥末平除宜單服麝香  
如大豆三枚細研妳汁調分為四五服

楊文公談苑

公常言商汝山多羣麝所遺糞常就一處  
雖遠逐食必還走之不敢遺跡他所慮為

人獲人反以是求得必掩犀而取之麝絕愛其膻每為人所逐勢急即投巖舉介別裂其香就繁而死猶拱四足保其膻李商隱詩云投巖麝退香許渾云尋麝採生香

狐剛子粉圖云

將麝香一膻安於枕合中枕之亦能除邪辟惡

衍義曰

麝每糞時須聚於一所人見其所聚糞及有遺麝氣遂為人獲亦物之一病爾此獵人云餘如


經



郢州水牛



黄牛





牛黃味苦平有小毒主驚癇寒熱盛狂瘧除邪逐鬼

療小兒百病諸癇熱口不開大人狂癲又墮胎久服輕

身增年令人不忘生晉地平澤於牛得之即陰乾百日

使時燥無令見日月光

人參為之使得壯丹菖蒲利耳目惡龍骨地黃龍膽蜚蠊畏牛

滕陶隱居云舊云神牛出入鳴吼者有之伺其出角上以盆水承而吐之即墮落水中令人多嗜就膽中得之多出梁益一子如雞子黃大相重疊藥中之貴莫復過此一子及三分好者直五六千至一萬唐本注云牛黃今出萊州密州湖州青州舊州戎州牛有黃者必多吼喚喝迫而得之謂之生黃最佳黃有三種散黃粒如麻豆慢黃若雞卵中黃糊在肝膽圓黃為塊形有大小並在肝膽中多生於

於

音

時

牛

其

吳

牛

未

開

有

黃

也

禹錫等謹按藥性論云牛黃君惡常山畏乾漆味甘能辟邪魁安魂定魄小兒夜啼主卒中惡吳氏云牛黃無毒牛出入呻者有之夜光走角中牛死入膽中如雞子黃日華子云牛黃涼療中風失音口噤驚悸天行時疾健忘虛乏

圖經曰

牛黃出晉地平澤令出登萊州它處或有不甚佳凡牛有黃者毛皮光澤眼如血色時復鳴吼

又好照水人以盆水承之伺其吐出乃喝迫即墮落水  
中既得之陰乾百日一子如雞子黃大其重疊可揭折  
輕虛而氣香者佳然此物多偽令人試之皆揩摩手甲  
上以透甲黃者為真又云此有兩種喝迫而得者名生  
黃其殺死而在角中得者名角中黃心中剥得者名心  
黃初在心中如漿汁取得便投水中露水乃硬如碎痰  
藥或皂莢子是也肝膽中得之者名肝黃大抵皆不及  
喝迫得者最勝凡牛之入藥者水牛犛牛黃牛取乳及

造酥酪醍醐等然性亦不同水牛乳涼犛牛乳溫其肉  
昏寒也其自死者皆不可食其酥以合諸膏摩風腫跪  
跌血痰則牛酥為強醍醐尤佳又有底野迦是西域人  
用諸膽和合作之狀似久壞丸藥赤黑色今南海或有  
之又中品有牛角鯁用水牛黃牛久在糞土中爛白者  
主赤白下燒灰末服之汝牛角鯁主下閉血痰女子帶  
下並燒灰酒服崔元亮海上方治暎痺腫塞欲死者取  
汝牛角燒刮取灰細節和酒服囊許大水調亦得又小  
兒飲乳不快覺似候痺者亦取此灰塗乳上熱下即差  
黃牛膽以丸藥令方臘日取其汁和天南星末却內皮  
中置當風處踰月取以合涼風丸殊有奇効黃犛牛烏  
牯牛溺並主水腫利小便楊炎南行方療腳氣小腹脹  
小便澀取烏牯牛溺一升一日分服腹消乃止下水腫  
取黃犛牛溺一飲三升不覺更加服老小減半亦可牛  
屎燒灰傅灸瘡不差者口中涎主反胃老牛涎沫主噎  
口中黏切且知草絞汁主穢自餘齒齩心肝腎食之皆有益

方書鮮用又馬乳驢乳羊乳大抵功用相近而驢馬乳冷利羊乳溫補馬乳作酪彌佳耳又下條敗鼓皮主蠱毒古方亦單用燒灰服之並牛之類用之者稀故但附於其末

### 雷公云

凡使有四件第一是生神黃賺得者次有角黃是取之者又有心黃是病死後識者剝之擘破

取心其黃在心中如濃黃醬汁採得便投於水中黃露水復便如碎蒺藜子許如豆者硬如帝珠子次有肝黃其牛身上光眼如血色多翫弄好照水自有夜光恐瞿人或有人別採之可有神妙之事凡用須先單搗細研如塵却絹裏又用黃犍牛皮裏安於井而上去水三四尺已來一宿至明方取用之

### 聖惠方

初生兒至七日口噤以牛黃少許細研淡竹瀝調下一字灌之更以猪乳點口中差

### 又方

治小兒腹痛夜啼用牛黃如小豆大乳汁化服又臍下書田字差

廣利方

治孩子驚癇不知迷悶嚼舌仰  
目牛黃一大豆研和蜜水服之

姚和衆

治小孩初生三日去驚邪辟惡氣牛黃一大豆  
許細研以赤蜜酸棗許熟研以綿蘸之令兒吮

之一日

令盡

行義曰

牛黃亦有駱駝黃皆西式所出也駱駝黃極易  
得醫家當審別考而用之為其形相亂也黃牛

黃輕鬆自然微香以此為異蓋  
又有聲音狸牛黃堅而不香



熊 脂



熊脂味甘微寒微溫無毒主風痺不仁筋急五藏腹中

積聚寒熱羸瘦頭瘍白禿面疝飽食飲吐嘔久服強志

不肌輕身長年生雍州山谷十一月取

陶隱居云此脂即是熊白是背

上膏寒月則有夏月則無其腹中肪及身中膏煎取可作藥而不中散令東西諸山縣皆有之白是非易得物兩痼疾不可食熊肉令終身不除愈唐本注云熊膽味苦寒無毒療時氣熱盛變為黃疸暑月久痢府墜心痛注忤腦療諸聾血療小兒客忤脂長髮令黑悅澤人面酒鍊服之差風痺凡言膏者皆脂消已後之名背上不得言膏左傳義云膏盲者乃是馬盲文誤有此名陶言背膏同於舊說也臣禹錫等謹按藥性論云熊膽巨惡防己地黃主小兒五疳殺蟲治惡瘡又云熊脂君能治面上黥黥及治瘡日華子云無白涼無毒治風補虛損



殺勞蟲脂強心腦髓去白禿風屑瘰癧頭旋并髮落掌食  
可禦風寒此是八珍之數膽治疔瘡耳莫瘡及諸疔疾

### 圖經曰

熊脂并膽出雍州山谷今雍洛河東及懷衛山  
中皆有之熊形類犬豕而性輕捷好攀緣上高

木見人則顛倒自投地而下冬多入穴而藏蟄始春而  
出脂謂之熊白十一月取之須其背上者寒月則有夏  
月則無其腹中肪及它處脂煎鍊亦可作藥而不中噉  
膽陰乾用然亦多為欲試之取栗類許滴水中一道若  
線不散者為真其足踏為食珍之真古人最重之然酥  
之難熟多食之令人耐寒腦髓作油摩頭可去白屑有  
痼疾者不可食熊令人終  
身不愈熊惡益食之則死

### 雷公云

凡收得後煉過就器中安生椒每一斤熊脂入  
生椒十四箇煉了去脂革并椒入瓶中收任用

### 食療

熊脂微寒甘滑冬中凝白時取之作生無以偕也  
脂入枝白髮膏中用極良脂與猪脂相和燃燈烟

入人目中令失明緣熊脂烟損人眼光肉平味甘魚  
毒主風痺筋骨不仁若腹中有積聚寒熱者食熊肉永  
不除差其骨煖湯浴之主歷節風亦主小兒客忤膽寒  
主時氣盛熱疔瘡小兒驚癇十月勿食傷神小兒驚癇  
瘕癥熊膽兩大豆許和乳汁  
及竹瀝服並得去心中涎良

### 聖惠方

治小兒疳瘡蟲蝕莫用熊膽半分湯化調塗於  
莫中熊掌得酒醋水三件煖熟即服大如皮毯

食之耐  
風寒

### 外臺秘要

療蝮心痛熊膽如  
大豆和水服大効

### 又方

五十年痔不差塗熊膽取  
差乃止神効一切方不及

### 千金翼

療髮黃熊脂塗髮梳之散頭入牀底伏  
地一食頃即出便盡黑不過一升脂驗

食醫心鏡

療脚氣風痺不仁五緩筋急熊肉半斤於豉汁中加薑椒葱白鹽醬作醃腊空腹食之

又方

主中風心肺風熱手足不隨及風痺不仁筋脉五緩恍惚煩燥熊肉一斤切如常法調和作醃腊空

腹食之

斗門方

治水弩射人用熊膽塗之更以雄黃同用酒磨服之即愈

楊氏產乳

療白禿瘡及髮中生癬取熊白傅之

抱朴子

熊壽五百歲能化為狐狸



象牙



象牙無毒主諸鐵及雜物入肉刮取屑細研和水傅瘡  
上及雜物刺等立出 齒主癩病屑為末炙令黃飲下  
肉味淡不堪噉多食令人體重主禿瘡作灰和油塗  
之 睛主目疾和乳滴目中

骨前小橫骨令人能浮水作灰酒服之身有百獸肉皆

自有分段惟鼻是其本肉餘並雜肉

令附臣禹錫等謹按日華子云象牙

平治小便不通生煎服之小便多燒灰飲下膽明目及治疔蹄底似犀可作帶南海藥譜云象膽以清水和塗瘡腫上並差又口臭每夜和水研少許綿裹貼齒根上每夜含之平明煖水洗口如此三五度差

圖經曰

象牙舊不著所出州郡爾雅云南方之美者有梁山之犀象馬令多出交趾潮循州亦有之彼

人捕得爭食其肉云肥堪作炙或曰象有十二種肉配十二辰屬惟鼻是其肉又膽不附肝隨月在諸肉間厚化中上苑一副象斃太宗命取膽不復使問徐鉉曰當在前左足既而剖足果得又問其故鉉曰象膽隨四時令其斃在春故知左足也世傳荆蠻山中亦有野象蓋左氏傳所謂楚師燧象以奔吳軍是其事也然楚粵之象皆青惟西竺弗林大食諸國乃多白象樊緯雲南記平居誨于闐行程記皆言其事象牙主諸物刺人肉刮取屑細研和水傅瘡上刺立出因中刺則水調飲之舊牙梳屑尤佳齒及肉目睛等醫方亦或有用者

陳藏器云

肉味鹹酸不堪取膽主目疾和乳滴目中序云象膽擇粘

海藥

謹按內典云象出西國有二牙者味寒主風痲熱骨蒸勞諸瘡等並皆宜生屑入藥琥珀竹膏真珠

犀角牛黃等良西域重之用飾牀坐中國貴之以為芻  
崑崙諸國有象生於山谷每遇解牙人不可取崑崙以  
白木前為牙而用易之而陽雅頌云生文  
理必國富又云龍興象六十歲骨方足

### 肘後方

治箭并針折在肉中細刮  
家牙屑以水和傅上即出

### 簡要濟衆

主小兒誤為諸骨及魚骨刺入肉不出水菴  
白梅肉爛研後調象牙末厚傅骨刺處自軟

### 太平廣記

安南有象能知人曲直有闕訟者行立而輟  
之有理者則過無理者以鼻卷之鄭空數丈

以牙接而刺之以水洗牙飲之愈疾象膽隨四時在四  
腿春在前左夏在前右如龜定體鼻端有小可拈針肉  
有十二般惟鼻是本肉骨前小骨正之酒服可令人能  
浮水出沒食其肉令人體重古訓云象孕五歲始產

### 行義曰

象牙取口兩邊各出一牙下垂夾鼻者非  
口內食齒齒別入藥令為象笏者是牙也



白膠味甘平溫無毒主傷中勞絕腰痛羸瘦補中益氣

婦人血閉無子止痛安胎療吐血下血崩中不止四肢

酸疼多汗淋露折

音舌

跌

音迭

傷損久服輕身延年一名鹿

角膠生雲中煮鹿角作之

得火良畏火黃陶隱居云今人少復煮作惟合角弓猶言

用此膠爾方藥用亦稀道家時須之作白膠法先以朱  
潘汁漬七日令軟然後煮煎之如作阿膠爾又一法即  
細剉角與一片乾牛皮角即消爛矣不爾相毆百年無  
一熟也唐本注云麋角鹿角但煮濃汁重煎即為膠矣  
何至使爛也求爛亦不難當是未見煮膠謬為此說也  
臣禹錫等謹按藥性論云白膠又名黃明膠能主男子  
腎藏氣氣衰虛勞損婦人服之令有  
子能安胎去冷治漏下赤白主吐血

圖經

文具何膠條下

食療

傳腫四邊中心留一孔子其腫即頭自開也治咳嗽不差者黃明膠炙令半焦為末每服一錢匕人

參末二錢匕用薄鼓湯二盞八分葱少許入鉋子煎一

兩沸後傾入盞過咳嗽時呷三五口後依前溫暖却准

前咳嗽時呷之又止吐血咯血黃明膠一兩切作小

片子炙令黃新綿一兩燒作灰細研每服一錢匕新米

飯調下不計年歲深

遠並宜食後卧時服

外臺秘要

療虛勞尿精乾膠三兩炙瘳末酒二升和溫服

又方

治凡腫已潰未潰者以膠一片水漬令軟約約然腫之大小貼當頭上開孔若已潰還合若膿當破

膠急輩之膿皆出盡未

有膿者腫當自消矣

又方

療尿血膠三兩炙以水二升棗取一升四分再服

又方

補虛勞益髓長肌悅顏色令人肥健鹿角膠炙搗為末以酒服方寸匕日三服

千金方

治耳中有物不可出以麻繩剪令頭散傳好膠著耳中物上粘之令相著徐徐引之令出

肘後方

妊娠卒下血以酒煮膠二兩消盡頓服

斗門方

治肺破出血忽嗽血不止者用海犀膏一大片於火上炙令焦黃色後以酥塗之又炙再塗令

通透可殭為末用湯化三大錢已故冷服之即血止水膠是也大驗

又方


治湯火瘡用水煎膠令稀稠得所持冷塗瘡

譚氏小兒方

療小兒面上瘡豆子癩法黃明膠慢火炙為末溫酒調服一錢已出者服之無癩未

出服之瀉下又治小兒火燒瘡  
滅癥痕黃明膠小雞翎掃之

阿井



阿膠味甘平微溫無毒主心腹內崩勞極洒洒

音辭

如瘡

狀腰腹痛四肢酸疼女子下血安胎丈夫小腹虛勞

羸瘦陰氣不足脚酸不能久立養肝氣久服輕身益氣

一名傅致膠生東平郡煮牛皮作之出東阿

畏大黃得大良陶隱

居云出東阿故曰阿膠也今東都下亦能作之用皮亦有老少膠則有清濁凡三種清薄者盡用厚而清者名為盆覆膠作藥用之皆火炙凡散須極燥入湯微炙爾濁黑者可膠物不入藥用用一片鹿角即成膠不爾不成也今按陳藏器本草云阿井水煎成膠人間用者多非真也凡膠俱能療風止洩補虛驅皮膠主風為最臣禹錫等謹按藥性論云阿膠君主

堅筋骨益氣止痢著蘓為之使

圖經曰

阿膠出東平郡。煮牛皮作之。出東阿。故名阿膠。今鄆州皆能作之。以阿縣城北井水作。煮為真。

造之。阿井水煎。烏驢皮如常煎膠法。其井官禁。真膠極難得。都下貨者甚多。恐非真。尋方書所說。所以勝諸膠者。大抵以驢皮得阿井水。乃佳。耳。廣濟方。癩灘。緣風及諸風。手脚不遂。腰脚無力者。驢皮膠。炙冷。微起。先煮。葱豉粥。二升。別貯。又以水二升。煮香。豉二合。去滓。內膠。更煮。大七沸。膠烊。如飴。頓服之。及煖喫。煎葱豉粥。任意。多火。如冷。喫令人嘔。逆頓服三四劑。即止。禁如藥法。又膠之止洩。得蠟黃連。尤佳。續傳信方。著張仲景調氣方云。治赤白痢。無問遠近。小腹病痛。不可忍。出入無常。下重痛。悶。每發。面青。手足俱變者。黃連一兩。去毛。好膠。手許。大碎。蠟如彈子大。三味。以水一大升。先煎膠。令散。次下蠟。又煎。令散。即下黃連。未攪。相和。分為三服。惟須熱喫。冷即難喫。神妙。此膠功用。皆謂令之阿膠也。故陳藏器云。諸膠皆能療風止洩。補虛而驢皮膠主風為最。又令

時方家用黃明膠多是牛皮本經阿膠亦用牛皮是二皮亦通用然今牛皮膠制作不甚精但以膠物者不堪藥用之當以鹿角所煎者而鹿角膠本經自謂之白膠云出雲中今處處皆得其法可以作之但功倍勝於牛膠故鮮有真者非自製造恐多偽耳

### 雷公云

凡使先於豬脂內浸一宿至明出於柳木火上炙待泡了即碾用

### 聖惠方

治妊娠尿血用阿膠炒令黃燥為散每食前以粥飲調下二錢匕

### 梅師方

一升半煎令消一服愈又一方以阿膠三兩炙搗末酒

末生地黃半斤搗取汁以清酒三升絞汁分三服

### 楊氏產乳

療妊娠血痢阿膠二兩以酒一升半煮取一升頓服



宋王微

桃飴贊云  
阿膠續氣

羊乳溫補寒冷虛乏

陶隱居云牛乳羊乳實為補潤故  
北人皆多肥健唐本注云北人肥

健不嘔鹹腥才士使然何闕飲乳陶以未達故屢有此  
言臣禹錫等謹按藥性論云羊乳臣味甘無毒潤心肺  
治消渴孟詵云羊乳治卒心痛可溫服之日  
華子云羊乳利大腸含療口瘡小兒驚癇疾

陳藏器

補虛小兒含之主口  
瘡不堪入藥為其羶

食療

補肺腎氣如小腸亦主消渴治虛勞益精氣合脂  
作羹食補腎虛亦主女子與男子中風蚰蜒入耳

以羊乳灌耳中即成水又主小兒口  
中爛瘡取粘羊齒乳含五六日差

外臺秘要

主小兒噉羊乳一升煎  
減半分五服牛乳亦得

千金方

小兒舌腫羊乳汁飲之差

又方

主乾嘔取羊乳一盃空心飲之

千金翼

漆瘡羊乳傳之

經驗方

治蜘蛛咬遍身生絲羊乳一件飲之貞元十年崔真外從實云目擊有人被蜘蛛咬腹大如孕

婦其家棄之乞食於道有僧遇之教飲羊乳未幾日而平

牛乳微寒補虛羸止渴

陶隱居云犛牛為佳不用新飲者唐本注云水牛乳造石蜜須

之言作酪濃厚味勝犛牛犛牛乳性平生飲令人痢熱飲令人口乾微似溫也臣禹錫等謹按蜀本云牛乳味甘無毒孟詵云牛乳寒患熱風人宜服之日華子云黃牛乳髓冷潤皮膚養心肺解熱毒

圖經

文具牛  
黃條下

陳藏器

煎黃牛乳生服利人下熱氣冷補潤膚止渴和酥  
三五沸食之去冷氣瘕癰羸瘦凡服乳必煮一

二沸停冷啜之熟食即壅不欲煩服欲得漸消與酸物  
相反令人腹中結癥凡以乳及溺尿去病黑牛勝黃牛

食療

患冷氣人不宜服之烏牛乳  
駱寒主熱毒止渴除胷中熱

聖惠方

主小兒煩熱疔方以牛乳二合薑汁一合銀器  
中慢火煎過五六沸一歲兒飲半合量兒大小

加減  
服之

孫真人

合生魚  
食作瘦

食醫心鏡

主消渴口乾牛  
乳微寒補虛羸

廣利方 消渴心脾中熱下焦虛冷小便多漸羸瘦生牛羊乳渴即飲之三四合

太平廣記 貞觀中太宗苦於氣痢衆醫不効詔問殿庭左右有能治其疾者當重賞之有術士進以

乳汁煎華撥

服之立差

酥音蘇微寒補五藏利大腸主口瘡 陶隱居云酥出外國亦從益州來本是牛

羊乳所為作之自有法佛經稱乳成酪酪成酥成醍醐醍醐色黃白作餅甚甘肥亦時至江南唐本注云酥指

如酪酪作之其性猶與酪異今通言功是陶之未達然酥有牛酥羊酥而牛酥勝羊酥其聲猶牛復優於牛家也

臣禹錫等謹按蜀本云酥味甘孟詵云寒主胃中熱補五藏利腸胃日華子云牛酥涼益心肺止渴喉潤毛髮

除肺痿心

熱并吐血

圖經

文具牛黃條下

陳藏器

酥堪合諸膏摩風腫駝跌血痰

食療

寒除胃中熱補五藏利腸胃水牛酥功同寒與羊酪同功羊酥真者勝牛酥

聖惠方

主蜂螫人以酥傅之愈

又方

主惡蟲咬以酥和鹽傅之

酪味甘酸寒無毒主熱毒止渴解散發利除骨中虛熱

身面上熱瘡肌瘡

唐本注云按牛羊馬水牛乳並爾言驢乳尤冷不堪作酪也臣禹錫等謹

按日華子云牛酪冷止

煩渴熱悶心膈熱痛

圖經

文具牛  
黃條下

食療

寒主熱毒止渴除胃中  
熱患冷人勿食羊乳酪

千金翼

療丹癰癆方酪和鹽  
熱熨以摩之手下消

孫真人食忌

患痢人  
不可食

廣利方

療蚰蜒入耳以牛酪灌耳中須臾蟲  
出入腹即飲酪二升自消為黃水

陳藏器

濕酪止渴味酸寒無毒主馬黑汗和水  
灌之差為度乾酪強於濕酪牛者為上

醍醐味甘平無毒主風邪痺氣通潤骨髓可為摩藥性

冷利功優於酥生酥中

唐本注云此酥之精液也好酥  
一石有三四升醍醐熟拌普耕切

鍊貯器中待凝穿中至底便津出得之陶云黃白為餅  
此乃未達之言唐本先附臣禹錫等謹按蜀本云一說  
在酥中盛冬不凝盛夏不融者是也日華子  
云醍醐止驚悸心熱顛疼明日傳腦頂心

圖經

文具牛  
黃條下

陳藏器

性滑以物盛之皆透性難  
子殼及葫瓢盛之不出

雷公云

是酪之漿凡用以綿重濾過  
於銅器中沸三兩沸了用

食療

平主風邪通潤骨髓性  
冷利乃酥之本精液也

聖惠方

治中風煩熱皮膚瘙痒用醍  
醐四兩每服酒調下半匙

食醫心鏡

治一切肺病咳嗽膿血不止好酥五斤  
銘三適得取凝當出醍醐服一合差

又方

主補虛去風濕痺  
醍醐二大兩  
煖酒一杯和醍醐一匙服之

行義曰

醍醐作酪時上一重凝者為酪而酪面上其色如油者為醍醐熬之即出不可多得極甘美難

如此取之用處亦少  
惟潤食瘡痂最相宜

馬乳止渴

陶隱居云令人不甚服當緣難得也唐本注云馬乳與驢乳性同冷利止渴療熱馬乳作

酪惟應酷冷江南之馬乳令俱合是冷委言之驢乳療微熱黃小兒中熱驚熱服之亦利胡言馬酪性溫飲之消肉多以物類自相制伏不拘冷熱也臣禹錫等謹按蜀本云馬乳味甘又消渴通用藥云馬乳冷藥性論云馬乳無毒

陳藏器

味甘治熱  
性冷利



孫真人

合生魚食  
則作癥

食醫心鏡

馬乳飲  
之止渴

乳腐微寒潤五藏利大小便益十三經脈微動氣細切  
如豆麩拌醋漿水煮二十餘沸治赤白痢小兒患服之

彌佳

新補見孟  
訖及蕭炳

底野迦味辛苦平無毒主百病中惡客忤邪氣心腹積

聚出西戎

唐本注云彼人云用諸膳作之狀似久壞丸  
藥赤黑色胡人時將至此甚珍貴試用有效

唐本

先附

五種陳藏器餘

蔡苴机屎主蛇虺毒兩頭麋屎也出永昌郡取屎以傅  
瘡博物志云蔡余義獸似鹿兩頭其胎中屎四時取之  
未知今有此物否蔡苴机余義也范曄後漢書云雲陽  
縣有神鹿兩頭能食毒草華陽國志曰此鹿出雲陽南  
郡熊倉山即此余義也

諸朽骨主骨蒸多取淨洗刮却土氣於釜中煮之取桃  
柳枝各五十煮枯棘鍼三斗煮減半去滓以酢漿水和之

煮三五沸將出令患者散髮正坐以湯從頂淋之准執為  
佳若心悶可進少冷飴當大汗去惡氣汗乾可粉身食  
豉粥羸者少與又東牆腐骨醋磨塗痕得滅及除癩  
瘍風瘡癬白爛東牆牆之東最向陽也

烏氈無毒主火燒生瘡令不著風水止血除賊風燒  
為灰酒下二錢匕主產後血下不止久臥吸人脂血令  
人無顏色上氣

海獺味鹹無毒主人食魚中毒魚骨傷人痛不可

忍及鯁不下者取皮煮汁服之海人亦食其肉似  
獺大如犬脚下有皮如人胼拇毛著水不濡海中  
魚獺海牛海馬海驢等皮毛在陸地皆候風潮  
猶能毛起博物志有此說也

土撥鼠味甘平無毒主野雞瘻瘡肥美煮食  
之宜人生西蕃山澤穴土為窠形如獺夷人掘  
取食之魏略曰大秦國出辟毒鼠近似此也

證類本草卷十六